






韋蘇州集序



韋蘇州唐史不載其行事。林寶姓慕云周道達公。曼之後。左僕射扶陽公待價。生司門郎中令儀。令儀生鑿。鑿生應物。應物生監察御史河東節度掌書記慶復。李肇國史補云。爲性高潔。鮮食寡欲。所居焚香掃地而坐。其爲詩馳驟。建安已還。各得風韻。詳其集中詩。天寶時扈從遊幸。疑爲三衛。永泰中任洛陽丞。京兆府功曹。大曆

十四年。自鄆縣令制除櫟陽令。以疾辭歸。善福精舍。建中二年。由前資除比部員外郎。出爲滁州刺史。改刺江州。追赴闕。改左司郎中。貞元初。又歷蘇州。罷守。寓居永定精舍。其後事迹。究尋無所見。肇又云。開元以後。位卑而著名者。李北海。王江寧。李館陶。鄭廣文。元魯山。蕭功曹。張長史。獨狐常州。崔比部。梁補闕。韋蘇州。以集中事及時人所稱考。其仕宦本末。得非遂止於蘇邪。

案白居易蘇州荅劉禹錫詩云。敢有文章替左司。左司蓋謂應物也。官稱亦止此。有集十卷。而綴叙猥并非舊次矣。今取諸本校定。仍所部居去其雜廁。分十五總類。合五百七十一篇。題曰韋蘇州集。可以繕寫。嘉祐元年十二月二十二日太原王欽臣記。

韋蘇州集

古賦一首



冰賦



夏六月。白日當午。火雲四至。金石灼爍。玄泉潛沸。雖深居廣廈。珍簟輕箑。而亦鬱鬱燠燠。不能和平其氣。陳王於是登別館。散幽情。招親友。以高會。尊仲宣為客卿。睹頒冰之適至。喜煩暑之暫清。王乃誇賓而歌曰。含皎皎兮瓊玉姿。氣淒

妻兮奪天時。飲之瑩骨兮何所思。可進於賓。請
客卿爲寡人美而賦之。客諾曰。美則美矣。而大
王不識其短。夫謂之瓊玉。竊名器也。氣奪天時。
干陰陽也。內熱飲之。媒其疾也。寵一物而三失
德。且出寒暑而至下。薦宗廟而至高。僕竊感之
而戲歎。安得不爲之而拙毫。何積陰之勝純陽
兮。惟此玄冰。居炎天之赫赫兮。獨嚴厲乎稜稜。
其始也。月玄冥。日北陸。天地閉。水泉縮。動靜一

變。剛柔反覆。壯以烈風。積如羣玉。由是依廣澶
漫。憑高崢嶸。大寒御節。萬動潛形。浮彩浩浩。仰
吞素靈。羣山早曙。陰壑夜明。古者祭之黑牡。其
藏以節。祓之桃弧。其出以絜。今明明大魏。禮物
必備。實大王罇俎之常品。非小民造次之所致。
若尊卑異等。頒命有度。碎似墜瓊。方如截璐。况
粉壁雲矗。象筵霜布。座有麗人。皎然俱素。雖衆
賓之同輝。諒爲物之難固。其竊名假質以謬一

時之賞也如此。若乃對修竹。臨方塘。俾炎作寒。今反我天常。嗟絺綌之失御。於三伏兮亦紈扇。委篋而內傷。其嚴沍之威。以干陰陽之候也。如此。若皎潔的皪。與時消釋。或沉珠於杯。或化璞於液。王將其飲。聊以自適。豈知乎一寒一溫。日夜相激。久之以生疾兮。內外不和。而怵惕。其翫意而媒疾也如此。觀其力足以淒一室。利庖厨。俾甘肥晚敗。醇釀不渝。非可調湊理。安營魄。柰

何以誇客。陳王於是絕然而慙曰。寡人生於深宮。憊於服食。左右唯燕姬趙女。侈服美色。微客卿之言。則何以雪余惑。方當命有司而撤冰。書盤盂以自式。

前人評騭韋

詩錄錄如左

白樂天云蘇州歌

作才麗之外頗

近興觀其五言

詩又高推測

自成一家之體

今之秉筆者誰

能及之然當

州在時人亦未

甚愛重必待

後然後貴

李肇國史補云

為性高潔鮮

食富秋所居

其香掃地而

坐其者持

建安以還各得

蘇東坡云蘇李

韋蘇州集目錄

卷第一

雜擬



擬古詩十二首

雜體五首


與友生野飲效陶體效何水部二首

效陶彭澤

燕集

會李四栖梧作

燕李錄事一首



曹謝陶固已至矣李杜以沈世之資凌跨百代後之詩人遂出而才不逮志獨韋應物柳子厚費熾縷於前寄玉末於後非飲子所及也

朱晦菴語錄云蘇州高王淮孟浩然諸人以其無聲色臭味也又云韋詩無一字造作直是自然氣象近道

方虛谷云世言韋柳章詩變初緩柳詩清初和同

劉須溪云韋應物居官自愧閑閑有恤人之心其詩如深山採藥飲泉坐石日晏忘歸

又云韋詩潤者如石而孟詩如雪堆淡無采色不免有輕盈之意

劉又云誦韋廬州一二語高處有以象極品之味

西清詩話云韋蘇州詩如渾金璞玉不做雕

會梁川故人

賈常侍林亭燕集

移疾會詩客

夜偶操公作

晦日燕集

西郊燕集

滁州園池

南塘泛舟

盧耿主簿

月夜草堂

慈恩伽藍清會

會王祠曹宅

扈亭西陂燕賞

春宵燕南館

郡樓春燕

郡齋雨中

軍中冬燕

司空王簿琴席

與村老對飲

卷第二

寄贈上

城中對疾贈闔薛

寄深上人

寄三原盧少府

假中對雨

贈蕭河南

示從子

趨府候曉

贈李儋

琢成妍。唐人。有不
能到。至其過處。

大似村寺高僧。
奈時有野態。

王漁洋云。東坡謂
柳柳州詩在陶

彭澤下。韋燕
州。此言誤矣。余

更其誤曰。韋詩
在陶彭澤下。柳

柳州。余昔作
論詩。沈氏有云。

風懷澄澹。推
韋柳佳處。

送五字。求解。識
無聲。注。指。柳

柳州。柳詩。並
在州。

又云。陶如佛。空。

韋如。著。陸。諸
王。右。丞。以。社。師

沈。歸。思。云。韋。詩
至。處。每。在。淡

如。無。意。所。謂
天。秋。也。

又云。人謂左司
詩。學。陶。而。風

梅。時。近。小。謝
如。藍。飲。精。舍

此。作。是。也。

贈盧嵩

早春對雪

寄李十九儋

寄盧庾

寄元大校書

寄洪州幕

寄子西

養疾

寄馮著

贈王侍御

黃河卽事

發廣陵

寄廣陵親故

寄都邑親友

雪中寄李儋

雨後

贈元侍御李博士

使雲陽寄府曹

過扶風精舍舊居

贈令狐士曹

贈馮著

對雨寄韓庫部協

寄子西

縣內閑居贈溫公

對雪贈徐秀才

西郊遊宴

對雨

休沐東還

朝請後還邑

澧上西齋

獨遊西齋

紫閣東林居士叔緘賜松英丸捧對忻喜

詩代啟

秋集罷還途中

閑居贈友

登覽悲舊

善福閣對雨

寺居獨夜

九日澧上作

寄西郊養疾暢校書

澧上寄幼遐

善福精舍示諸生

晚出澧上

寓居澧上精舍

開元觀懷舊

春日郊園

澧上醉題

西郊期滌不至

澧上對月

將往滁城

還闕首途

秋夜南宮

塗中書情

雪後下朝

卷第三

寄贈下

寄韓司戶

寄令狐侍郎

閑居寄端及重陽

園林寄昭應韓明府

寄大梁諸友

新秋夜寄諸弟

郊園聞蟬

寄中書劉舍人

郡齋感秋

郡中對雨

冬至夜

元日

寄劉郎中

社日

寒食日

贈李儋侍御

寄楊協律

郡齋贈王卿

簡恒璨

閑居寄諸弟

登樓寄王卿

寄暢當

贈崔貞外

寄李儋元錫

京師叛亂寄諸弟

贈琮公

寄諸弟

寄恒璨

簡郡中諸生

寄山中道士

寄釋子

重寄

答釋子送酒瓢

簡陟巡建三甥

覽褻子卧病題示一首

寄璨師

寄盧涉

塗中寄楊邈

寄璨律師

雪行寄褻子

寄裴處士

示釋子恒璨

示全真元常

寄劉尊師

寄廬山櫻衣居士

與從姪成緒遊山水中道先寄示

寒食寄京師諸弟

歲日寄李端武等

簡盧陟

西澗卽事示盧陟

登郡樓寄淮南子弟

寄黃尊師

寄黃劉二尊師

秋夜寄丘負外

贈丘負外

贈李判官

寄皎然上人

贈舊識

寄丘負外

劉負外

寄淮上綦母三

寄二嚴

卷第四

送別

送李主簿

送崔押衙

送宣城路録事

送李山人東遊

送李二歸楚州

送閻家赴東川辟

送令狐岫宰恩陽

送馮著

送元倉曹

送唐明府

喜於廣陵拜覲家兄奉送還池州

送張八元秀才

送張侍御

送盧耿赴任

送鄭述誠

餞雍聿之潞州

與送李幼

送韓丞東遊

送鄭長源

送李儋

送李渭士曹

留別洛京親友

送從叔象

送榆次林明府

雜言送黎六郎

別子西有道

送黎少府赴陽翟

送別覃孝廉

送開封盧少府

送槐廣落第歸揚州

送汾城王主簿

送崔主簿

送顏司議

奉送從兄宰晉陵

贈別河南李功曹

送趙隨廣德尉

宴別幼遐與君貺兄弟

送宣州周錄事

謝櫟陽令歸西郊

送李端東行

送姚係還河中

別善福精舍

送常侍御

送郝詹事

送蘇評事

送李益侍御赴幽州幕

留別朋友兼示諸弟

送元錫楊凌

別楊氏女

別中第

一作送
崔肅懿

寄別李詹

送倉部蕭負外院長存

送王校書

送丘負外還山
重送丘二十二
送鄭端公弟
送房杭州
送陸侍御還越
聽江笛送陸侍御
送丘負外歸山居
送崔叔清遊越
送鄒儒立還京師
送豆盧策秀才
送王卿
送劉評事
送雷監赴闕庭
送秦系赴潤州

卷第五

酬答

期盧嵩不赴詩答
答少府問

詩答書因以戲李二

酬盧嵩見寄
酬鄭戶曹

答李潛
酬柳郎中見別

酬豆盧
酬李儋

酬元偉
酬韓質

答李博士弟在詩見問

酬李博士

答令狐士曹見寄

答李博士

答劉西曹

答貢士黎逢

答韓庫部協

答崔主簿倬

答徐秀才

答東林道士

答長寧令楊輟

答馮魯秀才

答崔主簿

清都觀答幼遐

答韓司錄見憶

答長安丞裴稅

奉酬處士叔見示

答庫部韓郎中

答暢校書當

答崔都水

酬令狐司錄

答趙氏外生伉

答趙氏生伉

答端

答史館張學士

答王郎中

答崔都水

答王卿送別

答裴丞說歸京所獻

答裴處士

答楊奉禮

答端

答二甥

答重陽

酬劉使君

答令狐侍郎

酬張協律

答秦校書

答賓

答鄭騎曹

奉和聖製重陽賜宴

和吳舍人

奉和張大夫

答河南李士巽

答故人見諭

酬閻貞外陟

逢遇

長安遇馮著

月夜書情簡李寶應

廣陵遇孟九雲卿

遇洛陽李主簿

路逢崔元二侍御

逢楊開府

訪王侍御不遇

訪道士姪不見

卷第六

懷思

有所思

暮相思

夏夜懷盧嵩

春思

春中憶元二

懷素友子西

對韓少尹贈硯

月晦憶與親友遊宴

清明日憶諸弟

池上懷王卿

憶京師諸子弟

憶諸弟

懷深標二釋子

雨夜感懷

雲陽館懷谷口

憶灃上幽居

重九懷舊

思舊里

追懷

行旅

經函谷關

經武功舊宅

往雲門郊居

月過西郊渡

晚歸灃川

授衣還里

次盱眙縣

春月觀省

迴經歷山水

山行雨歸始霽

感歎

傷逝

往富平傷懷

出還

冬夜

送終

除日

對芳樹

月夜

歎楊花

過昭國里故第

夏日

端居感懷

悲紈扇

閑齋對雨

林園晚霽

秋夜二首

感夢

舊居傷懷

悲故交

悲哀叙事

追舊書情

過忘友故第

話舊

至壽春公故宅

睢陽感懷

廣德中洛陽作

閨門懷古

感事

感鏡

歎白髮

卷第七

登眺

登高望洛城作

同德寺閣集眺

上方舊遊

登樂遊廟作

登西南岡卜居

月夜翫花

臺上遲客

登樓

善福寺閣

樓中月夜

寒食後北樓作

西樓

夜望

晚登郡閣

登重玄寺閣

遊覽

觀早朝

陪元侍御遊春

遊龍門香山泉

龍門遊眺

洛都遊寓

再遊舊居

莊嚴精舍遊集

府舍月遊

任鄴令漢陂遊眺

西郊遊矚

再遊西郊渡

月溪與幼遐君貺同遊

遊白家竹潭

秋夕西齋

觀田家

園亭覽物

觀澧水漲

遊南池

南園陪王卿遊矚

遊西山

春遊南亭

再遊西山

遊靈巖寺

與盧陟同遊

遊溪

遊開元精舍

襄武館遊眺

秋景詣瑯琊精舍

閑庭南望秋景

慈恩精舍南池作

雨後宿清都觀

秋夜遲諸君

東郊

秋郊

行寬禪師院

神靜師院

精舍納涼

藍嶺精舍

道晏寺主院

義演法師西齋

澄秀上座院

至西峯蘭若受田婦饋

曇智禪院

起度律師同居東齋院

遊瑯琊山寺

同越瑯琊山

詣西山深師

尋簡寂觀瀑布

簡寂西澗瀑布下作

遊南齋

南園

西亭

夏景園廬

夏至避暑北池

題西林精舍書齋

題草堂

同元錫題瑯琊寺

題鄭拾遺草堂

卷第八

雜興

詠玉

詠露珠

詠珊瑚

詠留璃

詠琥珀

仙人詞

詠曉

詠夜

詠聲

任洛陽丞請告

縣齋

晚出府舍

休暇東齋

夜直省中

郡內閑居

燕居卽事

幽居

野居書情

郊居言志

夏景端居

始至郡

郡中西齋

新理西齋

曉坐西齋

郡齋卧疾絕句

寓居永定精舍

喜辟強定夜至

野居

秋齋獨宿

餌黃精

聽元老師彈琴

野次聽奏橫笛

樓中閱清管

寒食

七夕

九日

秋夜

秋夜一絕

滁城對雪

雪中

對春雪

對殘燈

對芳樽

夜對流螢作

對新篁

夏花明

對萱草

見紫荊花

翫螢火

對雜花

種藥

西澗種柳

種瓜

喜園中茶生

移海榴

郡齋移杉

花徑

南池秋荷

題梧桐

題石橋

池上

滁州西澗

西塞上

山耕叟

上方僧

煙際鍾

始聞夏蟬

射雉

夜聞獨啼鳥

述園鹿

聞鴈

子規啼

始建射侯

仙人祠

鷓鴣

卷第九

歌行上

長安道

行路難

橫塘行

貴遊行

酒肆行

相逢行

烏引雛

鳶奪巢

燕嚙泥

鞞鼓行

古劍行

金谷園歌

溫泉行

學仙

廣陵行

萼綠華歌

王母歌

馬明生遇神女歌

石鼓歌

寶觀主白鸚鵡歌

彈碁歌

卷第十

歌行下

聽鶯曲

白沙亭逢吳叟歌

送褚校書歸舊山歌

五弦行

驪山行

漢武帝雜歌

櫻欄蠅拂歌

信州錄事古鼎歌

夏冰歌

凌霧行

樂燕行

采王行

難言

易言

調嘯詞

三臺詞

韋蘇州集目錄終

韋蘇州集目錄

補東橋曰韋公
古詩當獨步唐
室以其得漢魏
之質也其下者
亦在晉宋之間
又曰五言古詩
先學韋應物然
後諸家可入
劉涓溪曰古別
離多矣此作更
古者以其有清
索自然意如秋
風曠野自難為
懷
劉涓溪曰柔腸
忍無而有不可

韋蘇州集卷之一

雜擬

擬古詩十二首

其一

辭君遠行邁。飲此長恨端。已謂道里遠。如何中
險艱。流水赴大壑。孤雲還暮山。無情尚有歸。行
子何獨難。劉云此卷此詩言之可傷朔風卷行迹。一作吹嚴冬霜斷
肌。日入不遑息。憂歡容髮變。寒暑人事易。中心

紀之色吾意評
此詩去意深而
語淺

又曰結語沉痛
傷懷而不為妖
蕩怨曠之態如
此而止

君詎知冰玉徒貞白

其二

黃鳥何關關幽蘭亦靡靡此時深閨婦日照紗
窗裏娟娟雙青娥微微啟玉齒自惜桃李年誤
身遊俠子無事久離別不知今生死

劉去不深以不辭情遠可誰不能道而無綴

紗一作綺

其三

峩峩高山巔澗澗青川流世人不自悟馳謝如
驚風颯百金非所重厚意良難得旨酒親與朋芳

年樂京國京城繁華地軒蓋凌晨出垂楊十二
衢隱映金張室漢宮南北對飛觀齊白日游泳
屬芳時平生自云畢

其四

綺樓何氛氲朝日正杲杲四壁含清風丹霞射
其牖玉顏上哀嚶絕耳非世有但感離恨情不
知誰家婦孤雲忽無色邊馬為迴首曲絕碧天
高餘聲散秋草徘徊帷中意獨夜不堪守思逐

劉酒漢曰別是
情麗絕九入聖
可望而不可即
者末極尋常以
古詞勝

又曰吾意評此
詩云淡而綺
而不煩

劉涸漢曰常言
常語枯淡欲無

劉涸漢曰月滿
穩夜長但括一
語誰不知是蘇
州之妙然謂之

全甚甚難非嘗
編闕不知其編
異眼爽化後來
姑叢此例
願水橋云此詩
絕勝選

朔風翔一去千里道。

其五

嘉樹藹初綠。靡蕪吐幽芳。君子不在賞。寄之雲
路長。路長信難越。惜此芳時歇。孤鳥去不還。緘
情向天末。

其六

月滿秋夜長。驚鳥號北林。天河橫未落。斗柄當
西南。寒蛩悲洞房。好鳥無遺音。商飈一夕至。獨

宿懷重衾。舊交日千里。隔我浮與沉。人生豈草
木。寒暑移此心。

其七

酒星非所酌。月桂不為食。虛薄空有名。為君長
歎息。蘭蕙雖可懷。芳香與時息。豈如凌霜葉。歲
暮藹顏色。折柔將有贈。延意千里客。草木知賤
微。所貴寒不易。

其八

鍾伯敬云看無
為尚勞躬之下
即以美之奪南
國一改殺之若
新若不斷真是
古人氣脈知之
者少

劉須溪曰單居
兩語添動自悲

非淺苦吟所及
未意耿之情性
適然不假外物
而見

神州高爽地。遐瞰靡不通。寒月野無綠。寥寥天
宇空。陰陽不停馭。鍾云至理貞脆各有終。汾沮何鄙儉。考
槃何退窮。反志解牽跼。無為尚勞躬。美人奪南
國。一笑開芙蓉。清鏡理容髮。一作雲褰簾出深重。艷曲
呈皓齒。舞羅不堪風。慊慊情有待。贈芳為我容。
可嗟青樓月。流影君帷中。

其九

春至林木變。洞房夕含清。單居誰能裁。好鳥對

我鳴。良人久燕趙。新愛移平生。別時雙鴛綺。留
此千恨情。碧草生舊迹。綠琴歇芳聲。一作前思將魂夢
歡。反側寐不成。一作雙衣迷處所。又起望前庭所次起望空前庭。孤影
中自惻。不知雙涕零。

其十

秋天無留景。萬物藏光輝。落葉隨風起。愁人獨
何依。一作明華月屢圓缺。君還浩無期。如何雨絕天。一作雲雨絕
去音問違。一作塵

傾東橋云古意
古語

劉涓漢云不言
不發情意甚真
但覺憑情綺語
皆不足道
桂天祥云入陶
集中不可辨

劉涓漢云其意
正平而朴素可
尚非無術麗靜
且不慘

其十一

有客天一方。寄我孤桐琴。迢迢萬里隔。託此傳
幽音。冰霜中自結。龍鳳相與吟。絃以明直道。漆
以固交深。一作形

其十二

白日淇上沒。空閨生遠愁。寸心不可限。淇水長
悠悠。芳樹自妍芳。春禽自相求。徘徊東西廂。孤
妾誰與儔。年華逐絲淚。一落俱不收。一作難
一作妍芳一作自交結
一作正妍

雜體

沉沉匣中鏡。爲此塵垢蝕。輝光何所如。月在雲
中黑。南金旣彫錯。鞞帶共輝飾。空存鑿物名。坐
使妍媸惑。美人竭屏膽。思照冰玉色。自非磨瑩
工。日日空歎息。

古宅一作宇集祆鳥。羣號枯樹枝。黃昏窺人室。鬼物相
與期。居人不安寢。搏擊思此時。豈無鷹與鷂。飽
肉不肯飛。既乖逐鳥節。空養凌雲姿。孤奉肉食

恩何異城上鷓

春羅雙鴛鴦。出自寒夜女。心精煙霧色。指歷千萬緒。長安貴豪家。作室妖艷不可數。裁此百日功。唯將一朝舞。舞罷復裁新。豈思勞者苦。

同聲自相應。體質不必齊。誰知賈人鐸。能使大樂諧。鏗鏘發宮徵。和樂變其哀。人神既昭享。鳳鳥亦下來。一作皇豈非至賤物。一奏升天階。物情苟有合。莫問玉與泥。

高棟云此用人之意也。電轉發越隱約可恨

碌碌荆山璞。卞和獻君門。荆璞非有求。和氏非有恩。所獻知國寶。至公不待言。是非吾欲默。此道今豈存。

與友生野飲效陶體

桂云體有渾朴着以芳艷字

攜酒花林下。前有千載墳。於時不共酌。柰此泉下人。始自翫芳物。行當念徂春。聊舒遠世蹤。坐望還山雲。且遂一歡笑。焉知賤與貧。

效何水部

劉頌後云含章
琳素態合自然
柱天祥云故姪
重相嘗以此望
還山雲是何等
意興

玉宇含清露。香籠散輕煙。應當結沉抱。難從茲夕眠。

夕漏起遙怨。蟲響亂秋陰。反覆相思字。中有故人心。

效陶彭澤

霜露悴百草。時菊獨妍華。物性有如此。寒暑其奈何。掇英泛濁醪。日入會田家。盡醉茅簷下。一生豈在多。

劉涓子云物性甚好
又云蘇州詩去陶自述至教陶則海取王處甫語用之故晉人與不有風致可愛也

顧云只是真得陶意故下此手

燕集

大梁亭會李四栖梧作

梁王昔愛才。千古化不泯。正解至今蓬池上。遠集八方賓。車馬平明合。城郭滿埃塵。逢君一相許。豈要平生親。入仕三十載。如何獨未伸。英聲久籍籍。臺閣多故人。置酒發清彈。相與樂佳辰。一作持孤亭得長望。白日下廣津。富貴良可取。一作求竭來西入秦。秋風旦夕起。安得客梁陳。

燕李錄事

與君十五侍皇闈。曉拂爐煙上赤墀。花開漢苑
經過處。雪下驪山沐浴時。近臣零落今猶在。仙
駕飄飄不可期。此日相逢思舊日。一杯成喜亦
成悲。

淮上喜會梁川故人

江漢曾為客。相逢每醉還。浮雲一別後。流水十
年間。歡笑情如舊。蕭疎鬢已斑。何因北歸去。淮

上對秋山

揚州偶會前洛陽盧耿主簿

應物頃貳洛陽常有連騎

之遊

楚塞故人稀。相逢本不期。猶存袖裏字。忽怪鬢
中絲。客舍盈樽酒。江行滿篋詩。更能連騎出。還
似洛橋時。

賈常侍林亭燕集

高賢侍天階。跡顯心獨幽。朱軒驚關右。池館在

東周繚繞接都城。氤氳望嵩丘。羣公盡詞客。方
駕永日遊。朝旦氣候佳。逍遙寫煩憂。綠林靄已
布。華沼澹不流。凌露摘幽草。涉煙翫輕舟。圓荷
既出水。廣廈可淹留。放神遺所拘。觥罰屢見酬。
樂燕良未極。安知有沉浮。醉罷各云散。何當復
相求。

月夜會徐十一草堂

空齊無一事。岸幘故人期。暫輟觀書夜。還題翫

月詩。遠鐘高枕後。清露卷簾時。暗覺新秋近。殘
河欲曙遲。

移疾會詩客。元生與釋子。法朗因貽諸。祠
曹

對此嘉樹林。獨有戚戚顏。抱瘵知曠職。淹旬非
樂閑。釋子來問訊。詩人亦扣關。道同意暫遣。客
散疾徐還。園徑自幽靜。玄蟬噪其間。高窻瞰遠
郊。暮色起秋山。英曹幸休暇。恨恨心所攀。

慈恩伽藍清會

素友俱薄世。屢招清景賞。鳴鍾悟音聞。宿昔心
已往。重門相洞達。高宇亦遐朗。一作通嵐嶺曉城分。清
陰夏條長。一作清條夏陰長氤氛芳臺馥。蕭散竹池廣。平荷隨波
泛。迴飈激林響。蔬食遵道侶。泊懷遺滯想。何彼
塵昏人。區區在天壤。

夜偶詩客操公作

塵襟一蕭灑。清夜得禪公。遠自鶴林寺。了知人

世空。驚禽翻暗葉。流水注幽叢。多謝非玄度。聊
將詩興同。

與韓庫部會王祠曹宅作

一作閑閑門陰堤柳。秋渠含夕清。微風送荷氣。坐客散
塵纓。守默共無恡。抱冲俱寡營。良時頗高會。琴
酌共開情。

晦日處士叔園林燕集

遽看萸葉盡。坐闕芳年賞。賴此林下期。清風滌

煩想始萌動。新照佳禽發。幽響嵐嶺對。高齋春
流灌。蔬壤罇酒遺。形迹道言屢。開獎幸蒙終。夕
懽聊用稅歸鞅。

扈亭西陂燕賞

杲杲朝陽時。悠悠清陂望。嘉樹始氤氲。春遊方
浩蕩。况逢文翰侶。愛此孤舟漾。綠野際遙波。橫
雲分疊嶂。公堂日爲倦。幽襟自茲曠。有酒今滿
盈。願君盡弘量。

劉涇溪云淺詔
流動稍情

西郊燕集

濟濟衆君子。高宴及時光。羣山靄遐矚。綠野布
熙陽。列坐遵曲岸。披襟襲蘭芳。野庖薦嘉魚。激
澗泛羽觴。衆鳥鳴茂林。綠草延高岡。盛時易徂
謝。浩思坐飄颻。眷言同心友。茲遊安可忘。

春宵燕萬年吉少府中孚南館

始見斗柄迴。復茲霜月霽。河漢上縱橫。春城夜
迢遞。賓筵接時彥。樂燕凌芳歲。稍愛清觴滿。仰

預東橋云用字
用意皆在唐人
中

劉涇溪云不獨
閑靜氣聚又闊
可觀

歎高文麗。欲去返郊扉。端爲一歡滯。

滁州園池燕元氏親屬

日暮遊清池。疎林羅高天。一作餘綠飄霜露。夕氣變風煙。水門架危閣。竹亭列廣筵。一展私姻禮。屢歎芳罇前。感徃在茲會。傷離屬頽年。明晨復云去。且願此留連。

郡樓春燕

衆樂雜軍鞞。高樓邀上客。思逐花光亂。賞餘山

景夕。爲郡訪彫瘵。守程難損益。聊假一杯歡。暫忘終日迫。

南塘泛舟會元六昆季

端居倦時燠。輕舟泛迴塘。微風飄襟散。橫吹繞林長。雲澹水容夕。雨微荷氣涼。一寫惰勤意。寧用訢華觴。一作計

郡齋雨中與諸文士燕集

兵衛森畫戟。宴寢凝清香。海上風雨至。逍遙池

柳東橋云天趣
高遊

白樂天云最為
警策
揚州修日詩話

蘇此首四句為一代絕唱余讀其全篇每恨其結句吳中云云乃類張打油之語雖村教習亦不至是緣庚也後見宋人兩作篇無後四句又詞况和篇亦止十六句乃知為吳中淺學所增以美其風土而不知釋之佛下不可看冀也

閣涼煩痾近孫消散。嘉賓復滿堂。自慙居處崇。未覩斯民康。理會是非遣。性達形迹忘。鮮肥屬時禁。蔬果幸見嘗。俯飲一杯酒。仰聆金玉章。神歡體自輕。意欲凌風翔。一作雲吳中盛文史。羣彥今汪洋。方知大藩地。豈曰財賦疆。一作疆

軍中冬燕

滄海已云晏。皇恩猶念勤。式燕徧怛秩。柔遠及斯人。茲邦實大藩。代鼓軍樂陳。是時冬服成。戎

士氣益振。虎竹謬朝寄。英賢降上賓。旋罄周旋禮。媿無海陸珍。庭中九劔闌。堂上歌吹新。光景不知晚。觥酌豈言頻。單醪昔所感。大醪况同忻。顧謂軍中士。仰荅何由申。

司空主簿琴席

煙華方散薄。蕙氣猶含露。澹景發清琴。幽期默一作云玄悟。留連白雪意。斷續迴風度。掩抑雖已終。忡忡在幽素。

與村老對飲

鬢眉雪色猶嗜酒。言辭淳朴古人風。鄉村年少
生離亂見話先朝如夢中。

韋蘇州集卷之一 終

韋蘇州集卷之二

寄贈上

城中卧疾知閭薛。二子屢從邑令飲。因以
贈之

車馬日蕭蕭。胡不枉我廬。方來從令飲。卧病獨
何如。秋風起漢臯。開戶望平蕪。卽此恹音素焉。
知中密疎。渴者不思火。寒者不求水。人生羈寓
時。去就當如此。猶希心異迹。眷眷存終始。

劉涓子云真素
蓋疑亦令人所
恨道
鍾伯敬云非不
和平說到世情
逼人處亦自懷
慨不盡

鍾云始而
一作表
一作稀
譚芝夏云
世述三
交遊

譯夏夏云水何
皆句云妙
鍾伯敬云腔中
無領會如何吐
得此語

聽嘉陵江水聲寄深上人

鑿崖泄奔湍。稱古神禹跡。夜喧山門店。獨宿不
安席。水性自云靜。一作為石中本無聲。如何兩相激。雷
轉空山驚。貽之道門舊。了此物我情。

高陵書情寄三原盧少府

直方難為進。守此微賤班。開卷不及顧。沉埋案
牘間。兵凶一作互久相踐。徃賦豈得閑。促戚下可哀。寬
政身致患。日夕思自退。出門望故山。君心儻如

此攜手相與還。

假中對雨呈縣中僚友

卻足甘為笑。閑居夢杜陵。殘鶯知夏淺。一作時社雨報
年登。流麥非關忘。收書獨不能。自然憂曠職。緘
此謝良朋。

贈蕭河南

厭劇辭京縣。褒賢待詔書。鄭侯方繼業。潘令且
閑居。霽後三川冷。秋深萬木疎。一作深對琴無一事。新

興復何如。

示從子河南尉班

并序

永泰中余任洛陽丞。以撲扶軍騎。時從子河南尉班亦以剛直爲政。俱見訟於居守。因詩示意。府縣好我者。豈曠斯文。拙直余恒守。公方爾所存。同占朱鳥尅。俱起小人言。立政思懸棒。謀身類觸藩。不能林下去。祇戀府延恩。

趨府候曉呈兩縣僚友

趨府不遑安。中宵出戶看。滿天星尚在。近壁燭仍殘。立馬頻驚曙。垂簾却避寒。可憐同官者。應悟下流難。

贈李儋

絲桐本異質。音響合自然。一作分吾觀造化意。二物相因緣。誤觸龍鳳嘯。靜聞寒夜泉。心神自安宅。煩慮頓可捐。何因知久要。綈白漆亦堅。

鍾伯敬云清深
太古
萬常之云韋應
物聽嘉陵江聲
云水自云靜
石中木無聲如
何兩相激雷傳

空山鳴與此絲
相四句意頗相
類然應物未晚
所謂非因非緣
亦非自然者

贈盧嵩

百川注東海。東海無虛盈。泥滓不能濁。澄波非
益清。恬然自安流。日照萬里晴。雲物不隱象。三
山共分明。柰何疾風怒。忽若基柱傾。海水雖無
心。洪濤亦相驚。怒號在倏忽。誰識變化情。

寄馮著

春雷起萌蟄。土壤日已疎。胡能遭盛明。才俊伏
里閭。偃仰遂真性。所求唯斗儲。披衣出茅屋。盥

漱臨清渠。吾道亦自適。退身保玄虛。幸無職事
牽。且覽按上書。親友各馳驚。誰當訪弊廬。思君
在何夕。明月照廣除。

早春對雪寄前殿中元侍御

掃雪開幽徑。端居望故人。猶殘臘月酒。更值早
梅春。幾日東城陌。何時曲水濱。聞閑且共賞。莫
待繡衣新。

贈王侍御

心同野鶴與塵遠。詩似冰壺見底清。府縣同趨
昨日事。升沈不改故人情。上陽秋晚蕭蕭雨。洛
水寒來夜夜聲。自歎猶爲折腰吏。可憐驄馬路
傍行。

將往江淮寄李十九儋

余自西京至李又發河洛同道不遇

鷺鷥東向來。文鷁亦西飛。如何不相見。羽翼有
高卑。徘徊到河洛。華屋未及窺。秋風飄我行。遠
與淮海期。迴首隔煙霧。遙遙兩相思。陽春自當

返。短翮欲追隨。

自鞏洛舟行入黃河卽事寄府縣僚友

夾水蒼山路向東。東南山豁大河通。寒樹依微
遠天外。夕陽明滅亂流中。孤村幾歲臨伊岸。一
鴈初晴下朔風。爲報洛橋遊宦侶。扁舟不繫與
心同。

寄盧庾

悠悠遠離別。分此歡會難。如何兩相近。反使心

鍾伯敬云悲乎

不安。亂髮思一櫛。垢衣思一浣。豈如望友生。對酒起長歎。時節異京洛。孟冬天未寒。廣陵多車馬。日夕自遊盤。獨我何耿耿。非君誰為歡。

發廣陵留上家兄兼寄上長沙

將違安可懷。宿戀復一方。家貧無舊業。薄宦各飄颻。執板身有屬。淹時心恐惶。拜言不得留。聲結淚滿裳。漾漾動行舫。亭亭遠相望。離晨苦須臾。獨往道路長。蕭條風雨過。得此海氣涼。感秋

鍾伯敬云得此二字妙

鍾伯敬云古甚

意已違。况自結中腸。推道固當遣。及情豈所忘。何時共還歸。舉翼鳴春陽。

初發揚子寄元大校書

此去揚州以開去脫總提

淒淒去親愛。泛泛入烟霧。歸棹洛陽人。殘鍾廣陵樹。今朝此為別。何處還相遇。世事波上舟。沿洄安得住。

淮上卽事寄廣陵親故

前舟已渺渺。欲度誰相待。秋山起暮鍾。楚雨連

劉涓漢云至濃至淡便是蘇州筆意

劉涓漢云風波兩語足以極拓別之懷

又云獨鳥下東
南偶也景偶也
語亦不可再得

滄海風波離思滿孫遠宿昔容鬢改獨鳥下東南廣
陵何處在桂云用在字韻尤妙

寄洪州幕府盧二十一侍御自南昌令拜
頃同官洛陽

忽報南昌令乘駟入郡城同時趨府客此日望
塵迎文苑臺中妙冰壺幕下清洛陽相去遠猶
使故林榮

經少林精舍寄都邑親友

息駕依松嶺高閣一攀緣前瞻路已窮既請喜

更延出巘聽萬籟入林濯幽泉鳴鍾生道心暮
磬空雲煙獨往雖暫適多累終見牽方思結茅
地歸息期暮年

同長源歸南徐寄子西子烈有道

東洛何蕭條相思邈遐路策駕復隨遊一作出入亦無入門無
與晤還因送歸客達此緘中素屢睽心所歡豈
得顏如故所歡不可睽嚴霜晨淒淒如彼萬里
行孤妾守空閨臨觴一長嘆素欲何時諧

雪中聞李儋過門不訪聊以寄贈
度門能不訪。冒雪屢西東。已想人如玉。遙憐馬
似驄。乍迷金谷路。稍變上陽宮。還比相思意。紛
紛正滿空。

同德精舍養疾寄河南兵曹東廳掾

逍遙東城隅。雙樹寒葱蒨。廣庭流華月。高閣凝
餘霰。杜門非養素。抱疾阻良讌。孰謂無他人。思
君歲云變。官曹亮先黍。陳躅慙俊彥。豈知晨與
夜相代不相見。緘書問所如。訓藻當芬絢。

同德寺雨後寄元侍御李博士

川上風雨來。須臾滿城闕。岩堯青蓮界。蕭條孤
興發。前山遽已淨。陰靄夜來歇。喬木生夏涼。流
雲吐華月。嚴城自有限。一水非難越。相望曙河
遠。高齋坐超忽。

同德閣期元侍御李博士不至各投贈二
首

庭樹忽已暗。故人那一作何不來。祇應厭煩暑。永日坐
霜臺。

官榮多所繫。閑居亦憊期。高閣猶相望。青山欲
暮時。

使雲陽寄府曹

夙駕祇府命。冒炎不遑息。百里次雲陽。閭閻問
漂溺。上天屢憊氣。胡不均寸澤。仰瞻喬樹顛。見
此洪流跡。良苗免湮沒。蔓草生宿昔。頽墉滿故

墟。返喜將安宅。周旋涉塗潦。側峭緣溝脉。仁賢
憂斯民。賤子甘所役。公堂衆君子。言笑思與覲。

過扶風精舍舊居簡朝宗巨川兄弟

佛刹出高樹。晨光間井中。年深念陳跡。迨此獨
忡忡。零落逢故老。寂寥悲草蟲。舊宇多改構。幽
篁延本藜。栖止事如昨。芳時去已空。佳人亦携
手。再往今不同。新文聊感舊。想子意無窮。

贈令狐士曹

自八月朔旦同使藍田淹留
沙季事先半日而待故有戲

秋簷一作滴滴滴對牀寢。山路迢迢聯騎行。到家俱及東籬菊。何事先歸半日程。

贈馮著

契濶仕兩京。念子亦飄蓬。方來屬追往。十載事不同。歲晏乃云至。微褐還未充。慘悽遊子情。風雪自關東。華觴發懽顏。嘉藻播清風。始此盈抱恨。曠然一夕中。善蘊豈輕售。懷才希國工。誰當念素士。零落歲華空。

對雨寄韓庫部協

風至池館涼。靄然和曉霧。蕭條集新荷。氛氲散高樹。閑居興方淡。默想心已屢。暫出仍濕衣。况君東城住。

寄子西

夏景已難度。懷賢思方續。喬樹落疎陰。微風散煩燠。傷離枉芳札。忻遂見心曲。藍上舍已成。田

家雨新足。託鄰素多欲。殘秩猶見束。日夕上高齋。但望東原綠。

縣內閑居贈溫公

滿郭春風嵐已昏。雅栖散吏掩重門。雖居世網常清淨。夜對高僧無一言。

對雪贈徐秀才

靡靡寒欲收。靄靄陰還結。晨起望南端。千林散春雪。妍光屬瑤階。亂緒凌新節。無爲掩扉卧。獨

守袁生轍

西郊遊宴寄贈邑僚李巽

升陽暖春物。置酒臨芳席。高宴闕英僚。衆賓寡歡懌。是時尚多壘。板築興頽壁。羈旅念越疆。領徒方祗役。如何嘉會日。當子憂勤夕。西郊鬱已茂。春嵐重如積。何當返徂雨。雜英紛可惜。

對雨贈李主簿高秀才

遷迤曙雲薄。散漫東風來。青山滿春野。微雨灑

輕埃吏局勞佳士。賓筵得上才。終朝狎文墨。高興共徘徊。

休沐東還胄貴里示端

宦遊二十載。田野久已疎。休沐遂茲日。一來還故墟。山明宿雨霽。風暖百卉舒。泓泓野泉潔。熠熠林光初。竹木稍摧翳。園場亦荒蕪。俯驚鬢已衰。周覽昔所娛。存沒惻私懷。遷變傷里閭。欲言少留心。中復畏簡書。世道良自退。榮名亦空虛。

與子終携手。歲晏當來居。

朝請後還邑寄諸友生

宰邑分旬服。夙駕朝上京。是時當暮春。休沐集友生。抗志青雲表。俱踐高世名。尊酒具懽樂。文翰亦縱橫。良遊昔所希。累讌夜復明。晨露合瑤琴。夕風殞素英。一旦遵歸路。伏軾出京城。誰言再念別。忽若千里行。閑閣寡誼訟。端居結幽情。况茲晝方永。展轉何由平。

澧上西齋寄諸友

七月中善福
之西齋作

絕岸臨西野。曠然塵事遙。清川下遶迤。茅棟上
岩堯。翫月愛佳夕。望山屬清朝。俯砌視歸翼。開
襟納遠颺。等陶辭小秩。効朱方負樵。閑遊忽無
累。心跡隨景超。明世重才彥。雨露降丹霄。羣公
正雲集。獨予欣寂寥。

獨遊西齋寄崔主簿

同心忽已別。昨事方成昔。幽徑還獨尋。綠苔見

劉涓子云蕭然

今昔之感

行跡。秋齋正蕭散。煙水易昏夕。憂來結幾重。非
君不可釋。

紫閣東林居士叔緘賜松英丸捧對忻喜
盖非塵侶之所當服輒獻詩代啟

碧澗蒼松五粒稀。侵雲采去露沾衣。夜啟羣仙
合靈藥。朝思俗侶寄將歸。道場齋戒今初服。人
事葷羶已覺非。一望嵐峯拜還使。腰間銅印與
心違。

秋集罷還途中作謹獻壽春公黎公

束帶自衡門。奉命宰王畿。君侯柱高鑿。舉善掩
瑕疵。斯民本已安。謝云善於立言工拙兩無施。何以酬明德。歲
晏不磷緇。時節乃來集。欣懷方載馳。平明大府
開。一得拜光輝。溫如春風至。肅若嚴霜威。羣屬
所載瞻。而忘倦與饑。公堂燕華筵。禮罷復言辭。
將從平門道。憩車澧水湄。山川降嘉歲。草木蒙
潤滋。孰云還本邑。懷戀獨遲遲。

鍾伯敬云自處
之人謹厚真率

鍾伯敬云古道

閑居贈友

補吏多下遷。罷歸聊自度。園廬既蕪沒。煙景空
澹泊。閑居養痾瘵。守素甘葵藿。顏鬢日衰耗。冠
帶亦寥落。青苔已生路。綠筠始分籜。夕氣下遙
陰。微風動疎薄。草玄良見誚。杜門無請託。非君
好事者。誰來顧寂寞。一作非

四禪精舍登覽悲舊寄朝宗巨川兄弟

蕭散人事憂。迢遞古原行。春風日已暄。百草亦

復生躋閣謁金像。攀雲造禪扃。新景林際曙。雜
花川上明。徂歲方緬邈。陳事尚縱橫。溫泉有佳
氣。馳道指京城。携手思故日。山河留恨情。存者
邈難見。去者已冥冥。臨風一長慟。誰畏行路驚。

善福閣對雨寄李儋幼遐

飛閣凌太虛。晨躋鬱崢嶸。驚飈觸懸檻。白雲冒
層甍。太陰布其地。密雨垂八紘。仰觀固不測。俯
視但冥冥。感此窮秋氣。沉鬱命友生。及時策高

步。羈旅遊帝京。聖朝無隱才。品物俱昭形。國士
秉繩墨。何以表堅貞。寸心東北馳。思與一會并。
我車夙已駕。將逐晨風征。郊塗住成淹。默默阻
中情。

寺居獨夜寄崔主簿

幽人寂不寐。一作無木葉紛紛落。寒雨暗深更。流螢度
高閣。坐使青燈曉。還傷夏衣薄。寧知歲方晏。離
居更蕭索。

九日澧上作寄崔主簿倬二季端繫

淒淒感時節。望望臨澧溪。翠嶺明華秋。高天澄
遙滓。川寒流愈迅。霜交物初委。林葉索已空。晨
禽迎颺起。時菊乃盈泛。濁醪自爲美。良遊雖可
娛。殷念在之子。人生不自省。營欲無終已。孰能
同一酌。陶然冥斯理。

西郊養疾聞暢校書有新什見贈久佇不
至先寄此詩

養病愜清夏。郊園敷卉木。窻夕含澗涼。雨餘愛
筠綠。披懷始高詠。對琴轉幽獨。仰子遊羣英。吐
詞如蘭馥。還聞枉嘉藻。停望延昏旭。唯見草青
青。閉門澧水曲。

澧上寄幼遐

寂寞到城闕。惆悵返柴荆。端居無所爲。念子遠
徂征。夏晝人已息。我懷獨未寧。忽從東齋起。兀
兀尋澗行。罨罨叢榛密。披翫孤花明。曠然西南

望一極山水情。周覽同遊處。逾恨阻音形。壯圖
非旦夕。君子勤令名。勿復久留讌。蹉跎在北京。

善福精舍示諸生

湛湛嘉樹陰。清露夜景沉。悄然羣物寂。高閣似
陰岑。方以玄默處。豈爲名跡侵。一作空如法妙不知歸。獨
此抱冲襟。齋舍無餘物。陶器與單衾。諸生時列
坐。共愛風滿林。

晚出灋上贈崔都水

臨流一舒嘯。望山意轉延。隔林分落景。餘霞明
遠川。首起趨東作。已看耘夏田。一從民里居。歲
月再徂遷。跡質得全性。世名良自牽。行欣携手
歸。聊復飲酒眠。

寓居灋上精舍寄于張二舍人

萬木藜雲出香閣。西連碧澗竹林園。高齋獨宿
遠山曙。微霰下庭寒。雀喧道心淡泊。對流水生
事蕭疎。空掩門。時憶故交那得見。曉排闥闔奉

劉涇溪云甚有
佳致可誦

鍾伯敬云牧得
應是瓊然

劉涇溪云寂意
有以着意

明恩

開元觀懷舊寄李二韓二裴四兼呈崔郎
中嚴家令

宿昔清都燕。分散各西東。車馬行跡在。霜雪竹
林空。方軫故物念。誰復一樽同。聊披道書暇。還
此聽松風。

春日郊居寄萬年吉少府中孚三原少府
偉夏侯校書審

谷鳥時一轉。田園春雨餘。光風動林早。高窓照
日初。獨飲澗中水。吟詠老氏書。城闕應多事。誰
憶此閑居。

灋上醉題寄滌武

芳園知夕燕。西郊已獨還。誰言不同賞。俱是醉
花間。

西郊期滌武不至書示

山高鳴過雨。澗樹落殘花。非關春不待。當由期

自賒

灋上對月寄孔諫議

思懷在雲闕。泊素守中林。出處雖殊跡。明月兩知心。

將往滁城戀新竹簡崔都水示端

停車欲去繞藜竹。偏愛新筠十數竿。莫遣兒童觸瓊粉。留待幽人迴日看。

還闕首途寄精舍親友

休沐日云滿。冲然將罷官。嚴車候門側。晨起正朝冠。山澤含餘雨。川澗注驚湍。攬轡遵東路。迴首一長歎。居人已不見。高閣在林端。

秋夜南宮寄灋上弟及諸生

暝色起煙閣。沉抱積離憂。况茲風雨夜。蕭條梧葉秋。空宇感涼至。顏顏驚歲周。日夕遊闕下山。水憶同遊。

塗中書情寄灋上兩弟因送二甥却還

華簪豈足戀。幽林徒自違。遙知別後意。寂寞掩
郊扉。回首昆池上。更羨爾同歸。

雪夜下朝呈省中一絕

南望青山滿禁闈。曉陪鴛鷺正差池。共愛朝來
何處雪。蓬萊宮裏折松枝。

贈孫微時赴雲中

黃鵠少年舞雙戟。目視傍人皆辟易。白戰曾誇
隴上兒。一身復作雲中客。寒風動地氣蒼茫。橫

笛先悲出塞長。鼓石軍中傳夜火。斧冰河畔汲
朝漿。前鋒直指陰山外。虜騎紛紛剪應碎。匈奴
破盡看君歸。金印酬功如斗大。

冬夜宿司空野居因寄酬贈

南北與山隣。蓬庵庇一身。繁霜疑有雪。荒草似
無人。遂性在耕稼。所交唯賤貧。何緣張掾傲。每
重德璋親。

寄荅祕書王丞

相看頭白來城闕。却憶漳溪舊往還。今體詩中
偏出格。常叅官裏每同班。街西借宅多臨水。馬
上逢人亦說山。芸閣水曹雖至冷。與君常喜得
身閑。


書懷寄顧八處士


自小難收疎懶性。人間萬事總無功。別從仙客
求方法。曾到僧家問苦空。老大登朝如夢裡。貧
窮作話是村中。未能即便休官去。慙愧南山採



藥翁

韋蘇州集卷之二終





110X
407
4